

光緒分水縣志

目錄

卷首

凡例

圖說

卷之一

疆域志

沿革

界至

山川

市巷

鄉莊

村聚

水利

古蹟

風俗

卷之二

營建志

之終乃力鼎元
卷首

城池

公署

壇廟

寺觀

附

倉儲

汎舖

公所

津梁

坊表

路亭

塚墓

卷之三

食貨志

田土

戶口

貢賦

外賦

鹽課

蠲賑

積貯

物產

卷之四

學校志

學宮

學制

學額

學署

書院

社學

義學

學田

卷之五

典禮志

慶賀

開讀

蒞任

祭祀

鞭春

救護

祈禱

講約

送學

賓興

鄉飲

卷之六

官師志

官職官表

政蹟傳

卷之七

選舉志

選舉表

辟召

武職

封典

援例

掾仕

卷之八

人物志

卷之八

統傳

附殉難

流寓

列女

方技

仙釋

存疑

卷之九

藝文志

藝文志

藝文志

書目

奏疏

序記

傳誌

詩

箴銘

卷之十

雜志

祥禋

佚事

兵事

卷末

舊序

光緒分水縣志卷四

學校志

自古建國君民教學爲先

國家敦崇儒術府州縣皆立學置博士弟子員春秋以時
釋菜復設書院社學義學以輔學校所不及於戲盛矣
今者革舊章行新政俊髦之士游學外洋

朝廷特立學部書院改爲學堂所定章程注重讀經以崇
聖教夫子之道不更昭垂天壤哉中國有聖人廟貌尊
崇升其堂者有仰止之思焉建學以來廢興不一矣而
厯朝教士養士之制與列侯締造之功固昭昭可攷也
謹輯之以詔來者志學校

學宮

舊在縣治西宋治平間縣令蘇穀遷於東崇甯中詔州縣建
學以廟爲之卽今址紹興間知縣李端民建明廡縣令章涓
創講堂扁曰振文爲齋二曰明德曰升俊直舍後有亭曰高
青元至順初殿廡圯縣尹衛廸重修至正二年縣尹林炳復
修成大殿兩廡齋舍未幾兵燹學宮僅存明洪武三年萬歷楊志
作二知縣余德賢建戟門櫺星門明倫堂擁青亭創室五楹
爲師生講習所六年知縣金師古新殿廡正統五年知縣陳
貞重建明倫堂十二年知縣李觀建魁星樓景泰三年知縣
樂武修正殿兩廡覆櫺星門以瓦天順六年萬歷府志李又志均作五年
建儒學門立鄉賢祠作庠屋於戟門東西分貯樂器祭器教

諭袁修有記

分水壤地居民不及大邑之半而政務之劇則與大邑等前之令此者往往賓抑廢事故學舍

雖立而制度未備生徒雖設而勸勉無聞士之奮身科第者亦不多見良由作新之未至用心之未誠也樂侯武自下車初首以興學爲念崇正殿修兩廡備祭器覆櫺星門以瓦甃戟門以磚又作室於明倫堂後爲師友講誦地由是士皆奮發勵志三科預鄉舉者五人非侯之誘掖獎進何以致之天順六年秋侯以秩滿將遷復鳩工庀材廣衢路闢儒學門傍建庫屋以貯樂器祭器葺齋室庖福爲久遠計時少尉劉君謙始至官亦悉心襄贊既畢工司訓李君珏諸生王庭等請修記其事於石修惟學校固國家養賢育才地然賢之所以得養才之所以能育者視有司之用心何如耳侯之于學也初至卽盡心於修治將去復盡心於增新蓋始終用心一出於誠能爲人所不爲視昔之寤抑廢事者固霄壤也繼今以往多士感激奮勵登上第躋膺仕有爲於聖明之時者其必以侯之用心爲心而終始一出於誠是卽所以報侯之盡心於學而不負其勸學之七年知縣何毅重修成化九年權縣苦心也因書以爲記

事通判劉永寬改櫺星門十二年知縣龐璫闢學前東西衢

十三年署縣事本府同知張昇立題名碑教諭李貴有記

今天

下學校俱做太學立題名碑鐫刻本學歷科中式者之名以
激礪後進是典分水缺焉成化丁酉權縣事同守張公昇旣
謁廟視學卽命工礱石界畫數十方每科題一方自洪武丙
子至天順乙卯計十二科有人依次鐫刻餘方虛之以俟將
來俾多士朝夕觀覽有所感激云仰惟我朝用人非一途獨
寵異科目豪傑率由是進於是有題名錄有題名碑蓋使後
人寓目歆動追躋繼美也或曰皐陶稷契伊傅周召無錄無
碑其佐唐虞三代之治也豈必有所激而成者余謂前乎三
代唐虞之史詳記皐陶稷契輔相之勳安知伊傅周召之不
見激於皐陶稷契也前乎唐虞羲黃之史備載風后力牧燮
理之功安知皐陶稷契之不見激於風后力牧也惟能有所
激斯能有所成諸弟子進斯庠觀斯碑必有悚動其心苦志
勤學務欲題名斯碑以與前人媲美者有志者事竟成可預
券也自洪武至今歷數十科邑侯歷數十任而是典至公始
立則公可謂知政要矣公又易櫺星門以石柱障露臺以石
闌干高魁星樓而砌以石基數役俱出一時故併記之俾後
之題名碑石者得以二十年知縣李楫重修兩廡及樓房八
考公作興之政云

間鑿泮池甃以石橋焉正德十六年知縣顧瑛徙建縣西嘉
靖九年知縣俞慶雲建敬一亭啟聖祠嘉靖十三年知縣林

繼臯用堪輿家說還舊址遵制改大成殿爲先師廟翼以兩廡南爲戟門左爲名宦祠右爲鄉賢祠前爲泮池跨以石橋又前爲櫺星門門皆以三隆慶三年知縣侯汝白重修明倫堂加高數尺改闢衢路濬泮池有記嘗謂三代建學立師薰陶德業磨礪人才故賢俊輩出共成熙皞尙矣我國家建太學及諸郡邑學稽古牖民以宏治化追三代而參漢唐宋之制治隆俗美迄今二百年矣隆慶戊辰六月初莅謁先師廟見其規制狹隘堂宇傾圯塗衢褊塞詢之諸生對曰分之建學舊在縣治東天順壬午樂公武創之宏治庚戌李公楫新之其時士氣蒸蒸稱盛至正德乙亥忽改於縣西嘉靖乙未又復於東紛紛遷易登進漸疎間有獲雋多由成均以故後生每以風氣自畫而廟廷亦荒陋不治余曰噫嘻吾聞君子以人合天而不任於天以義立命而不委於命夫臯夔稷契龔黃卓魯盛名不朽者果遷學而然耶諸生果能篤志向學砥節礪名自宜以時顯達上以致君下以澤民青紫之榮其餘事矣奚爲以風氣白誘哉顧宮殿規模不可不備前尹游公嘗達諸當道允以廢倉基地便民輪價增修學宮未及行而去若不及時成之後將益廢矣因卜吉鳩工改闢衢路重建堂宇門牆新增泮

池工始於是月訖於歲暮於是學博金君魁郭君廷陞欲走幣名公索記余止之曰茲亦有司之常耳奚足勞費以售先達之知哉隨登其歲月并余所以告諸生語爲他日驗云萬曆三年知縣方夢龍因石柱

不稱廟貌撤而增高之左爲學門北行百餘步爲禮門由門入稍折而西中爲明倫堂當廟之北堂東西庫房各一間堂

下左右爲齋者二曰進德曰修業堂後爲敬一亭左稍進爲

啟聖祠萬曆十二年知縣蔣鳴琅移建東臯今呼舊學前四十一

年知縣游之光復故所卽今學宮復建朱衣樓射圃亭本府知府

呂昌期有記分陽學宮舊址在縣西宋治平間縣令蘇穀始遷於東文運聿興科名鼎盛數百年未有改也

萬曆十二年縣令蔣鳴琅惑形家言移建東臯自是而科第寥寥矣前令每思復舊苦於繁費且恐道謀無成輒輟脫視焉余治嚴之三載發源游君之光來令分以諸生請毅然集眾釀錢鳩工庀材釋菜之殿鼓篋之堂及朱衣樓射圃亭皆煥然一新諸生礱石屬余記之余惟天下之敝壞而不修遷移而不復者奚獨學宮哉夫人方寸中有靈臺焉居以太宇

覆以華蓋承以六府佐以百司何其尊也有肝胆脾腎爲中
雷有身體髮膚爲藩籬有耳目口鼻爲戶牖有三百六十骨
節爲傳舍何其邃也天其蓋乎地其基乎民物其儕偶乎五
禮六樂萬事萬化其包羅乎何其廣也光風霽月於焉徘徊
窻草庭花於焉發舒鳶飛魚躍於焉鼓鬯又何適也故有所
圯壤焉則宜修卽無圯壤而有以補葺焉亦謂之修有所
放逸焉則宜復卽無放逸而有以收斂焉亦謂之復夫士
也甯惟是彎龍繡虎披朝華振夕秀以赴功名之會將必有
所以善保此靈臺者焉故夫損者葺之缺者完之隘者恢之
鬱者鬯之則修之之說也偽返而眞華返而實躁返而靜欺
返而慊則復之之說也以誠爲樞以敬爲鑰以禮爲門以義
爲路以信爲鍵以至修無可修乃爲眞修復無可復乃爲眞
常存靈惺獨湛以至修無可修乃爲眞修復無可復乃爲眞
復於以協時中之矩接大成之傳且旦暮遇之甯僅僅見之
羹牆肖之聲容已耶分於嚴爲小邑其族負薪割漆爲生瘠
土之勞民易於嚮義而紫邏雙溪之秀毓爲人文士益樸茂
近古其於入道尤無難者語曰十室之邑必有忠信逸書曰
大道直直去身不遠余守此邦勉承范希文趙閱道諸賢之
後不敢自處菲薄而亦不敢以菲薄待士爾士勗哉詩刺青
衿昔人所恥尙其各保性眞對越先聖勿徒藉堪輿之說工
帖括爲利祿謀斯無負
今君修復之本義矣

四十四年知縣龔承先重修并建尊

經閣

國朝順治十六年知縣高鴻緒重修康熙二十年知縣李槃
教諭錢世瀧重修雍正三年知縣胡杲闢廟東地改建龍門
邑人樸人楷人標人機
吳希舜吳鼎亨等助地新殿廡殿後爲明倫堂堂左爲忠義
祠側門二左曰禮門右曰義路後爲崇聖祠祠前左爲名宦
祠右爲鄉賢祠大成門西偏爲土地祠東偏爲官廳乾隆四
十年知縣什勒密改建宮牆爲門三飛簷六角嘉慶九年知
縣卜桐高重修明倫堂十八年知縣王有爲仍改門爲牆嘉
慶二十四年訓導顧鏞于泮池建欄道光元年知縣何秉禮
請 帑改修大成殿兩廡咸豐十一年燬於燹僅存崇聖祠
明倫堂各三楹光緒十四年知縣劉釐因故貢生吳國鈞遺

囑捐修文廟洋銀二千元其弟吳開址繳款到縣乃集紳募

捐重建悉復舊觀有記

分水自唐武德建縣以來宅山枕流民愿俗僊魁人華仕間世迭出聖

朝文軌大同建學造士菁莪雅化浹洽實區雖蕞爾彈丸而
園橋壁水之觀車服禮器之美典麗喬皇不遜於通都大邑
也咸豐庚申粵賊竄擾廟燬於燹僅存明倫堂爲春秋釋菜
之所肅清垂三十年而宮牆猶頽廢不治心焉慨之曩歲貢
生吳國鈞倡捐巨資銳意興復各鄉紳士亦相率樂輸慷慨
解囊以襄盛舉爰俛兩廣文及邑紳之公正者督之鳩工庀
材經歲而畢輪奐崇麗頓復舊規夫有廢必舉守土之責也
況學宮爲文教所繫者哉今賴賢士大夫力以底於成而使
廛獨尸其名可乎昔蜀郡僻陋文翁大起學宮招下縣弟子
親自飭厲數年而大化巴蜀文雅於漢稱盛疊不敏何敢望
古循吏都人士則勿囿於地以自限可矣他日鼓篋肄雅俊
髦蔚興蒸蒸然爲頽壁光者可於此舉卜之是役也經始於
己丑春落成於庚寅冬襄之者教諭周君寶琮訓
導李君用光邑紳王君家坊濮君厚培例得備書

龍門在櫺星門東偏同治十一年邑貢生王家塏重修知縣

劉樹爲之記

佚記

學制

唐元宗始追謚孔子爲文宣王詔祭春秋二仲

宋眞宗加謚爲元聖文宣王後詔改至聖

元成宗加號大成至聖文宣王

明洪武三年詔以孔子封爵宜仍其舊廟曰大成殿像先師
及四配十哲於其中殿左右爲兩廡分列七十二子與從祀
諸賢之神位

嘉靖九年改稱孔子爲至聖先師大成殿曰先師廟殿門曰
廟門撤諸像易以木主

國朝順治二年定

文廟謚號稱爲

大成至聖文宣先師孔子十四年議改謚號爲

至聖先師孔子 康熙二十三年頒

御書萬世師表額 康熙二十八年頒

御製至聖先師孔子贊 并序

蓋自三才建而天地不居其功一中傳而聖人代宣其蘊有
行道之聖得位以綏猷有明道之聖立言以垂憲此正學所
以常明人心所以不泯也粵稽往緒仰溯前徽堯舜禹湯文
武達而在上兼君師之寄行道之聖人也孔子不得位窮而
在下秉刪述之權明道之聖人也行道者勲業炳於一朝明
道者教思周於百世堯舜禹湯文武之後不有孔子則學術
紛淆仁義湮塞斯道之失傳也久矣後之人而欲探二帝三

王之心法以爲治國平天下之準其奚所取衷焉然則孔子之爲萬古一人也審矣朕巡省東國謁祀闕里景企滋深敬
摘筆而爲之贊曰

清濁有氣剛柔有質聖人參之人極以立行著習察舍道莫
由惟皇建極惟后綏猷作君作師垂統萬古曰惟堯舜禹湯
文武五百餘歲至聖挺生聲金振玉集厥大成序書刪詩定
禮正樂旣窮象繫亦嚴筆削上紹往緒下示來型道不終晦
秩然大經百家紛紜殊途異趣日月無踰羹牆可晤孔子之
道惟中與庸此心此理千聖所同孔子之德仁義中正秉彝
之好根本天性庶幾夙夜勗哉今圖溯源洙泗景躅唐虞載
厯庭除式觀禮器摘毫仰贊心焉遐企百世而上以聖爲歸